

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-989-11/25
Teočak, 26.08.2025. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-989-7/25 zaključenog dana 25.08.2025.godine, Ugovor za nabavku usluge stručnog nadzora nad izvođenjem radova na rekonstrukciji lokalnog puta Numera-Bajr u Mjesnoj zajednici Stari Teočak dodjeljuje se najpovoljnijem ponuđaču „AIK INŽENJERING“ doo Banovići, za ponuđenu cijenu od **2.952,56 KM** bez PDV-a po ponudi broj: 159/25 od 07.08.2025. godine. Ukupna vrijednost radova s obračunatim PDV-om iznosi **3.454,50 KM**.

Član 2.

Prijedlog Ugovora dostavit će se na potpis izabranom ponuđaču na adresu „AIK INŽENJERING“ doo Banovići, Begov potok b.b., 75290 Banovići.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavi iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-989-1/25 od 30.07.2025. godine. Javna nabavka je provedena putem otvorenog postupka. Procjenjena vrijednost javne nabavke je bila 6.500,00 KM bez PDV-a.

Komisija za javnu nabavku, koja je imenovana Rješenjem broj: 02-11-204/25 od 30.01.2025. godine, Ugovornom organu je dostavila dana 25.08.2025. godine Zapisnik o otvaranju ponuda broj: 02-11-989-6/25 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-989-7/25 zaključen dana 25.08.2025. godine u postupku javne nabavke stručnog nadzora nad izvođenjem radova na rekonstrukciji lokalnog puta Numera-Bajr u Mjesnoj zajednici Stari Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 4 (četiri) i to ponude od: „AIK INŽENJERING“ doo Banovići, „PAPILON“ doo Čelić, „NOING“ doo Tuzla i „RADIS“ doo Istočno Sarajevo;
- da je blagovremeno zaprimljeno 3 (tri) ponude i to ponude od: „AIK INŽENJERING“ doo Banovići, „PAPILON“ doo Čelić i „NOING“ doo Tuzla;
- da je neblagovremeno zaprimljena 1 (jedna) ponuda od ponuđača „RADIS“ doo Istočno Sarajevo, koja je vraćena neotvorena.

Prilikom analize ponuda vezano za ispunjavanje zahtjeva iz opisa predmeta nabavke i tehničkih specifikacija, komisija je utvrdila da su ponude od tri ponuđača prihvatljive, jer ispunjavaju sve uslove iz tenderske dokumentacije. Vrijednost prihvatljivih ponuda bez PDV-a su sljedeće: „PAPILON“ doo Čelić je dostavio ponudu po cijeni 1.389,44 KM; „AIK INŽENJERING“ doo Banovići je dostavio ponudu po cijeni od 2.952,56 KM, a ponuđač „NOING“ doo Tuzla je dostavio ponudu po cijeni od 4.124,90 KM. Za navedeni postupak javne nabavke nije bila predviđena e-aukcija, a kriterij za ocjenu ponuda je najniža cijena.

Polazeći od činjenice da je „PAPILON“ doo Čelić dostavio ponudu po cijeni od 1.389,44 KM koja je neprirodno niska u odnosu na procjenjenu vrijednost javne nabavke usluga stručnog nadzora nad izvođenjem radova na rekonstrukciji lokalnog puta Numera-Bajr u Mjesnoj zajednici Stari Teočak, Komisija za javne nabavke je postupajući po članu 17. stav (7) tačka a) Uputstva za pripremu modela tenderske dokumentacije i ponuda, Aktom broj: 02-11-989-8/25 od 20.08.2025. godine zatražila od navedenog ponuđača da dostavi pojašnjenje neprirodno niske cijene svoje ponude koja je za više od 50% niža od prosječne cijene preostalih prihvatljivih ponuda.

Ponuđač „PAPILON“ doo Čelić je dostavio Objašnjenje neprirodno niske cijene broj: 50/25 od 22.08.2025. godine, a za koje je Komisija ustanovila da nije u skladu sa članom 66. Zakona o javnim nabavkama BiH, jer ponuđač nije dostavio detaljne informacije o relevantnim sastavnim elementima ponude, uključujući elemente cijene (kalkulaciju), odnosno razloge ponuđene cijene.

kako navedeni ponuđač nije dostavio osnovne informacije o relevantnim sastavnim elementima ponude, uključujući elemente cijene, odnosno razloge za ponuđenu cijenu, kao i elemente navedene u članu 66. Zakona o javnim nabavkama BiH, Komisija je jednoglasno odbacila ponudu iz dalje evaulacije.

S obzirom da su preostale 2 (dvije) prihvatljive ponude, a primjenjujući član 17. stav (7) tačka b) Uputstva za pripremu modela tenderske dokumentacije i ponuda, Komisija je od ponuđača „AIK INŽENJERING“ doo Banovići svojim Aktom broj: 02-11-989-10/25 od 22.08.2025.godine tražila pojašnjenje neprirodno niske cijene ponude koja je za više od 20% niža od cijene drugorangirane prihvatljive ponude.

Ponuđač „AIK INŽENJERING“ doo Banovići je dostavio Obrazloženje ponuđene cijene broj: 169/25 od 25.08.2025.godine, a za koje je Komisija utvrdila da je u skladu sa članom 66. Zakona o javnim nabavkama BiH, jer su dostavljene detaljne informacije o relevantnim sastavnim elementima ponude, uključujući elemente cijene (kalkulaciju), odnosno razloge ponuđene cijene, a u šta se uvjerila uvidom u dostavljenu strukturu ponuđene cijene.

Polazeći od naprijed navedenog, po ocjeni Komisije za javne nabavke, vrijednost najpovoljnije ponude iznosi 2.952,56 KM, što je niže od procijenjene vrijednosti, te je Komisija putem Zapisnika o pregledu i ocjeni ponuda preporučila donošenje Odluke o okončanju postupka javne nabavke i izbora najpovoljnijeg ponuđača „AIK INŽENJERING“ doo Banovići.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- Ponuđačima
- a/a



Općinski načelnik

Tajib Muminović